

EES-STOFNANIR

SAMEIGINLEGA EES-NEFNDIN

ÁKVÖRDUN FRAMKVÆMDASTJÓRNARINNAR

2012/EES/7/01

frá 9. febrúar 2009

um skipulagningu tímabundinnar tilraunar með tilteknar undanþágur á markaðssetningu fræblandna, sem nota á til ræktunar fódurjurta samkvæmt tilskipun ráðsins 66/401/EBE, til að ákvarða hvort tilteknar tegundir, sem eru ekki á skrá í tilskipun ráðsins 66/401/EBE, 66/402/EBE, 2005/55/EB eða 2002/57/EB, uppfylla skilyrði fyrir skráningu í A-hluta 1. mgr. 2. gr. tilskipunar 66/401/EBE (*)

(tilkynnt með númeri C(2009) 724)

(2009/109/EB)

FRAMKVÆMDASTJÓRN EVRÓPUBANDALAGANNA
HEFUR,

lanceolata, Trifolium fragiferum, Trifolium glanduliferum, Trifolium hirtum, Trifolium michelianum, Trifolium squarrosum, Trifolium subterraneum, Trifolium vesiculosum og *Vicia benghalensis* (hér á eftir nefndar tegundir sem um getur í 1. forsendu).

með hliðsjón af stofnsáttmála Evrópubandalagsins,

með hliðsjón af tilskipun ráðsins 66/401/EBE frá 14. júní 1966 um markaðssetningu fódurjurtafræja ⁽¹⁾, einkum 13. gr. a,

og að teknu tilliti til eftirfarandi:

1) Arftekni þekking bænda ásamt nýlegum niðurstöðum rannsókna gefa til kynna að sumar tegundir Leguminosae og *Plantago lanceolata*, sem ekki eru tilgreindar í tilskipunum ráðsins 66/401/EBE, 66/402/EBE ⁽²⁾, 2002/55/EB ⁽³⁾ eða 2002/57/EB ⁽⁴⁾ (hér á eftir nefndar nógildandi löggjöf), einkum þegar þær eru notaðar í fódurblöndur með tegundum sem falla undir nógildandi löggjöf, séu áhugaverðar til fódurframleiðslu, þar eð þær gera það kleift að gefa rétt samsett fôður allan ársins hring og stuðla jafnframt að jarðvegsbótum á óræktanlegu eða lítt ræktanlegu landi. Þetta á við um *Biserrula pelecinus*, *Lotus glaber*, *Lotus uliginosus*, *Medicago italica*, *Medicago littoralis*, *Medicago murex*, *Medicago polymorpha*, *Medicago rugosa*, *Medicago scutellata*, *Medicago truncatula*, *Ornithopus compressus*, *Ornithopus sativus*, *Plantago*

2) Í samræmi við annan undirlið 1. mgr. 13. gr. tilskipunar 66/401/EBE má aðeins setja á markað í Bandalaginu fræ þeirra plöntutegunda sem tilgreindar eru í nógildandi löggjöf, að frátöldum yrkjunum sem um getur í 2. mgr. 4. gr. tilskipunar ráðsins 2002/53/EB ⁽⁵⁾, í fræblöndum sem nota á til ræktunar fódurjurta. Þar eð sá möguleiki er ekki fyrir hendi að setja á markað blöndur sem innihalda fræ þeirra tegunda sem um getur í 1. forsendu verða bændur, sem vilja nýta þær tegundir, að flytja þær og sá þeim sem einstökum tegundum eða í sumum tilvikum að útbúa blönduna sjálfir á bújörðinni, sem hefur í för með sér aukinn kostnað og vinnu. Enn fremur er aukin hættu á að hinar ólíku tegundir í blöndunni dreifist misvel á akrinum þar eð blöndurnar eru ekki settar saman af fagfólki.

3) Til að geta sett á markað tegundirnar, sem um getur í 1. forsendu, í slíkum blöndum er nauðsynlegt að breyta A-lið 1. mgr. 2. gr. tilskipunar 66/401/EBE með því að tiltaka þær tegundir í því ákvæði.

(*) Þessi EB-gerð birtist í Stjtið. ESB L 40, 11.2.2009, bls. 26. Hennar var getið í ákvörðun sameiginlegu EES-nefndarinnar nr. 123/2009 frá 4. desember 2009 um breytingu á I. viðauka (Heilbrigði dýra og plantna)við EES-samninginn, sjá EES-viðbætur við Stjórnartíðindi Evrópusambandsins nr. 12, 11.3.2010, bls. 6.

⁽¹⁾ Stjtið. EB L 125, 11.7.1966, bls. 2298/66.

⁽²⁾ Stjtið. EB L 125, 11.7.1966, bls. 2309/66.

⁽³⁾ Stjtið. EB L 193, 20.7.2002, bls. 33.

⁽⁴⁾ Stjtið. EB L 193, 20.7.2002, bls. 74.

⁽⁵⁾ Stjtið. EB L 193, 20.7.2002, bls. 1.

- 4) Til að ákveða slíka breytingu á A-lið 1. mgr. 2. gr. tilskipunar 66/401/EBE er nauðsynlegt að afla upplýsinga um setningu blandna, sem innihalda tegundirnar sem um getur í 1. forsendu, á markað. Þegar þessar tegundir eru notaðar í blöndur verður m.a. að sannprófa hvort unnt sé að staðfesta með opinberri eftirkönnun að hundradshluti fræs hvers efnisþáttar, sem tilgreindur er á merkimiða á umbúðunum, sé í samræmi við samsetningu blöndunnar og hvort blöndur úr sömu framleiðslueiningu séu einsleitar í öllum umbúðum sem þær eru settar á markað í. Án þessara upplýsinga væri ógerlegt að tryggja notendum að fræ í blöndum, sem innihalda tegundirnar sem um getur í 1. forsendu, gefi afburðagóðan árangur.
- 5) Því er við hæfi að skipuleggja tímabundna tilraun til að sannprófa hvort tegundirnar, sem um getur í 1. forsendu, uppfylla skilyrði fyrir skráningu í A-lið 1. mgr. 2. gr. tilskipunar 66/401/EBE.
- 6) Aðildarríkin, sem taka þátt í tilrauninni, skulu ekki lengur þurfa að uppfylla þær skyldur sem tilgreindar eru í öðrum undirlið 1. mgr. 13. gr. tilskipunar 66/401/EBE að því er varðar tegundirnar sem um getur í 1. forsendu. Þau skulu leyfa setningu á blöndum, sem innihalda þessar tegundir, á markað með tilteknum skilyrðum.
- 7) Rétt þykir að kveða á um sérstakar kröfur varðandi vottun tegundanna, sem um getur í 1. forsendu, til þess að tryggja megi að fræ þessara tegunda uppfylli sömu kröfur í öllum aðildarríkjunum sem taka þátt í tilrauninni. Þessar kröfur skulu byggjast á skilyrðum sem sett eru fram í kerfum Efnahags- og framfarastofnunarinnar (OECD) um yrkisvottun fræs eða eftirlit með fræi til sölu á alþjóðavettvangi (hér á eftir nefnd kerfi Efnahags- og framfarastofnunarinnar) eða í landsstöðlum aðildarríkisins þar sem fræið er framleitt.
- 8) Til viðbótar við almenn skilyrði, sem kveðið er á um í ákvörðun framkvæmdastjórnarinnar 2004/371/EB frá 20. apríl 2004 um skilyrði fyrir setningu fræblandna, sem nota á til ræktunar fôðurjurta⁽¹⁾, á markað skulu sett sérstök skilyrði fyrir setningu blandnanna, sem tilraunin tekur til, á markað. Þessi skilyrði skulu tryggja öflun nægilegra upplýsinga til mats á tilrauninni. Því er nauðsynlegt að kveða á um reglur um merkingar, eftirlit og skýrslugerð.
- 9) Vegna tilraunakennds eðlis þeirrar ráðstöfunar, sem kveðið er á um í þessari ákvörðun, skal ákveða hámarks magn fræblandna sem setja má á markað, að teknu tilliti til þess að prófa þarf mismunandi blöndur og nota til þess þá aðstöðu sem er fyrir hendi.
- 10) Fyrirtæki, sem stefna á framleiðslu slíkra fræblandna, skulu tilkynna hlutaðeigandi aðildarríkjum um magnið sem þau hyggjast framleiða til þess að aðildarríkin geti sannreynt að ekki sé framleitt umfram hámarks magn. Aðildarríkin skulu eiga þess kost að banna setningu fræblandna á markað telji þau það nauðsynlegt í ljósi þess að þörf er á að gera prófanir á mismunandi blöndum án þess að fara yfir hámarks magnið.
- 11) Tilraunin skal standa yfir í a.m.k. fimm markaðssetningartímabil til að mögulegt sé fyrir birgja að framleiða og setja nægilegt magn fræs á markað og gefa lögbærum yfirvöldum færi á að skoða þetta hráefni og safna nægilegum og samanburðarhæfum upplýsingum til að nota við gerð skýrslunnar.
- 12) Ráðstafanirnar, sem kveðið er á um í þessari ákvörðun, eru í samræmi við álit fastanefndarinnar um fræ og fjölgunarefni í landbúnaði, garðyrkju og skógrækt.

SAMÞYKKT ÁKVÖRDUN ÞESSA:

1. gr.

Efni

Tímabundin tilraun er fyrirhuguð á vettvangi Bandalagsins til að meta hvort eftirfarandi tegundir: *Biserrula pelecinus*, *Lotus glaber*, *Lotus uliginosus*, *Medicago italica*, *Medicago littoralis*, *Medicago murex*, *Medicago polymorpha*, *Medicago rugosa*, *Medicago scutellata*, *Medicago truncatula*, *Ornithopus compressus*, *Ornithopus sativus*, *Plantago lanceolata*, *Trifolium fragiferum*, *Trifolium glanduliferum*, *Trifolium hirtum*, *Trifolium michelianum*, *Trifolium squarrosus*, *Trifolium subterraneum*, *Trifolium vesiculosum* og *Vicia benghalensis* (hér á eftir nefndar tegundirnar sem um getur í 1. gr), megi setja á markað sem fræblöndur eða í fræblöndum, í þeim tilgangi að ákveða hvort nokkrar eða allar tegundanna ættu að vera hluti af skrá fôðurjurta í A-lið 1. mgr. 2 gr. tilskipunar 66/401EBE.

2. gr.

Þátttaka aðildarríkja

Öll aðildarríkin geta tekið þátt í tilrauninni.

Aðildarríki, sem ákveða að taka þátt í tilrauninni, (hér á eftir nefnd þátttökuaðildarríki) skulu tilkynna það framkvæmdastjórninni.

Þeim er heimilt að hætta þátttöku sinni hvenær sem er með því að tilkynna framkvæmdastjórninni um það.

⁽¹⁾ Stjtuð. ESB L 116, 22.4.2004, bls. 39.

3. gr.

Slepping

1. Í tengslum við tilraunina má setja fræblöndur, sem innihalda tegundirnar sem um getur í 1. gr., á markað með eða án fræs af tegundum sem tilgreindar eru í tilskipunum 66/401/EBE, 66/402/EBE, 2002/55/EB eða 2002/57/EB, að uppfylltum þeim skilyrðum sem kveðið er á um í 4. og 5. gr.

2. Þáttökuaðildarríkin eru leyst undan þeim skyldum sem kveðið er á um í öðrum undirlið 1. mgr. 13. gr. tilskipunar 66/401/EBE.

4. gr.

Skilyrði varðandi fræ tegundanna sem um getur í 1. gr.

Fræ tegundanna, sem um getur í 1. gr., skal uppfylla eftirfarandi skilyrði:

- það skal vera af yrki sem skráð er í landsskrá aðildarríkis eða skrá Efnahags- og framfarastofnunarinnar um yrki sem eru tæk til frævottunar,
- það skal vottað í samræmi við I. viðauka,
- það skal uppfylla skilyrðin sem mælt er fyrir um í 1. lið II. viðauka.

5. gr.

Skilyrði varðandi fræblöndur sem tilraunin tekur til.

Til viðbótar við skilyrðin, sem kveðið er á um í ákvörðun 2004/371/EB, skulu blöndur, sem tilraunin tekur til, uppfylla skilyrðin sem sett eru fram í 2. lið í II. viðauka.

6. gr.

Magntakmarkanir

- Þáttökuaðildarríkin skulu sjá til þess að heildarmagn fræs, sem nota á í blöndur sem tilraunin tekur til, fari ekki yfir 1000 tonn á ári.
- Þáttökuaðildarríkin skulu sjá til þess að fyrirtæki tilkynni yfirvaldinu, sem um getur í 2. lið c-liðar í I. þætti A-hluta í IV. viðauka við tilskipun 66/401/EBE, um hversu mikið þau hyggjast framleiða af fræblöndum.

Aðildarríki er heimilt að banna setningu fræblöndu á markað ef það telur, með hliðsjón af tilganginum með tilrauninni, að ekki sé heppilegt að meira af viðkomandi fræblöndu verði sett á markað. Það skal þegar í stað tilkynna þetta hlutaðeigandi fyrirtæki eða fyrirtækjum.

7. gr.

Eftirlit

Yfirvald þáttökuaðildarríkjanna, sem um getur í 2. lið c-liðar í I. þætti A-hluta í IV. viðauka við tilskipun 66/401/EBE, skal hafa eftirlit með tilrauninni.

8. gr.

Upplýsingaskylda

1. Þáttökuaðildarríkin skulu eigi síðar en 31. mars eftirfarandi almanaksárs leggja skýrslu fyrir hvert ár fyrir framkvæmdastjórnina og hin aðildarríkin sem inniheldur skrá yfir tegundir, sem notaðar voru í blöndunum sem tilraunin tók til, og upplýsingar um magn hvernar fræblöndu sem sett var á markað. Aðildarríkjunum er heimilt að tilgreina í skýrslunni allar aðrar upplýsingar sem þau telja að skipt geti máli.

2. Þáttökuríkin skulu, við lok tilraunarinnar eða þegar þáttöku þeirra lýkur, leggja skýrslu með upplýsingunum, sem um getur í 3. lið II. kafla, fyrir framkvæmdastjórnina og önnur aðildarríki fyrir 31. mars næsta almanaksárs. Í skýrslunni geta verið fleiri upplýsingar sem aðildarríkin telja að skipt geti máli með hliðsjón af tilganginum með tilrauninni.

9. gr.

Gildistími

Tilraunin skal hefjast 1. júní 2009 og henni skal ljúka 31. maí 2014.

10. gr.

Viðtakendur

Ákvörðun þessari er beint til aðildarríkjanna.

Gjört í Brussel 9. febrúar 2009.

Fyrir hönd framkvæmdastjórnarinnar,

Androulla Vassiliou

framkvæmdastjóri.

I. VIÐAUKI

TEGUNDIR, SEM UM GETUR Í 1. GR., OG SKILYRÐI FYRIR VOTTUN ÞEIRRA

Tegundir	Lágmarksspirunarhæfni (% af hreinu fræi ^(a))	Lágmarkshreinleiki fræs (% af þyngd)	Hámarksinnihald fræs af öðrum plöntutegundum (% af þyngd)	Hámarksinnihald fræs af öðrum plöntutegundum í sýni af þeirri þyngd sem tilgreind er í 7. dálki.	Hámarksþyngd framleiðslueiningar (tonn)	Lágmarksþyngd sýnis sem tekið er úr framleiðslueiningu (grömm)
1	2	3	4	5	6	7
<i>Biserrula pelecinus</i>	70 (að meðtöldu hörðu fræi)	98	0,5	(c) (d) (e)	10	30
<i>Lotus uliginosus</i>	75 (40)	97	0,5	(c) (d) (e)	10	25
<i>Lotus glaber</i>	75 (40)	97	0,5	(c) (d) (e)	10	30
<i>Medicago murex</i>	70 (30)	98	2,0	(c) (d) (e)	10	50
<i>Medicago polymorpha</i>	70 (30)	98	2,0	(c) (d) (e)	10	70
<i>Medicago rugosa</i>	70 (20)	98	2,0	(c) (d) (e)	10	180
<i>Medicago scutellata</i>	70	98	2,0	(c) (d) (e)	10	400
<i>Medicago italica</i>	70 (20)	98	2,0	(c) (d) (e)	10	100
<i>Medicago littoralis</i>	70	98	2,0	(c) (d) (e)	10	70
<i>Medicago truncatula</i>	70 (20)	98	2,0	(c) (d) (e)	10	100
<i>Ornithopus compressus</i>	75 (að meðtöldu hörðu fræi)	90	1,0	(c) (d) (e)	10	120
<i>Ornithopus sativus</i>	75 (að meðtöldu hörðu fræi)	90	1,0	(c) (d) (e)	10	90
<i>Plantago lanceolata</i>	75	85	1,5	(c) (d) (e)	5	20
<i>Trifolium fragiferum</i>	70	98	1,0	(c) (d) (e)	10	40
<i>Trifolium glanduliferum</i>	70 (30)	98	1,0	(c) (d) (e)	10	20
<i>Trifolium hirtum</i>	70	98	1,0	(c) (d) (e)	10	70
<i>Trifolium michelianum</i>	75 (30)	98	1,0	(c) (d) (e)	10	25
<i>Trifolium squarrosum</i>	75 (20)	97	1,5	(c) (d) (e)	10	150
<i>Trifolium subterraneum</i>	80 (40)	97	0,5	(c) (d) (e)	10	250
<i>Trifolium vesiculosum</i>	70 (að meðtöldu hörðu fræi)	98	1,0	(c) (d) (e)	10	100
<i>Vicia benghalensis</i>	80 (20)	97 ^(b)	1,0	(c) (d) (e)	20	1000

^(a) Hart fræ telst spirunarhæft fræ, allt að tilgreinda hámarks magninu.

^(b) Ekki skal líta á fræ af *Vicia pannonica*, *Vicia villosa* eða af skyldum, ræktuðum tegundum, að hámarki samtals 6% af heildarþyngd í fræi af öðrum viðeigandi tegundum, sem óhreinindi.

^(c) Fræ af *Avena fatua* og *Avena sterilis* má ekki vera í sýni af tilgreindu þyngdinni.

^(d) Eitt fræ af *Cuscuta* spp. í sýni af tvöfaldri, tilgreindri þyngd telst ekki til óhreininda ef ekkert fræ af *Cuscuta* spp. finnst í öðru sýni af tvöfaldri, tilgreindri þyngd.

^(e) Ekki skulu vera fleiri en 10 fræ af öðrum *Rumex* spp. en *Rumex acetosella* og *Rumex maritimus* í sýni af tilgreindu þyngdinni.

II. VIÐAUKI

TILRAUNASKILYRÐI

1. Skilyrði varðandi fræ tegundanna sem um getur í 1. gr.
 - a) Akurskoðun skal framkvæmd í samræmi við kerfi Efnahags- og framfarastofnunarinnar ef tegundirnar falla undir þessi kerfi en að öðrum kosti í samræmi við landsstaðla aðildarríkisins þar sem fræið er framleitt.
 - b) Aðildarríkin skulu sjá til þess, áður en að blöndun kemur, að akurskoðun hafi farið fram á öllum framleiðslueiningum fræs, tekin hafi verið sýni úr þeim og fræið verið greint í samræmi við tilskipun 66/404/EBE, hvort heldur er af hálfu opinberra aðila eða undir eftirliti þeirra.
2. Skilyrði varðandi fræblöndur sem tilraunin tekur til.
 - a) Opinberir fræsýnatökumenn skulu taka slembisýni úr framleiðslueiningum fræblandna sem tilraunin tekur til. Sýnin skal nota sem viðmiðunarsýni til að athuga samsetningu blandnanna, sem tilraunin tekur til, í samræmi við 4. gr. ákvörðunar 2004/371/EB.

Umfang og tíðni sýnatöku og eftirlits, sem fram fer í samræmi við 4. gr. ákvörðunar 2004/371/EB, skal hæfa tilganginum með tilrauninni.
 - b) Eftirfarandi upplýsingar skulu koma fram á opinbera merkimiðanum, auk upplýsinganna sem krafist er í samræmi við tilskipun 66/401/EBE og ákvörðun 2004/371/EB:
 - i. grasafræðiheiti allra tegunda, sem um getur í 1. gr. (þ.m.t. yrki ef við á), í blöndunni sem tilraunin tekur til,
 - ii. mismunandi þættir fræblöndunnar í hundradshlutum eftir þyngd og sundurliðaðir eftir tegundunum sem um getur í 1. gr. og, eftir því sem við á, eftir yrkjum,
 - iii. vísun í þessa ákvörðun.

Ef upplýsingarnar, sem um getur í i. og ii. lið, eru ekki læsilegar á opinbera merkimiðanum er heimilt að setja blönduna, sem tilraunin tekur til, á markað undir heiti blöndunnar, að því gefnu að kaupandinn hafi fengið skriflega tilkynningu með upplýsingunum, sem um getur í i. og ii-lið, og að þær hafi verið opinberlega skráðar.
3. Upplýsingar sem skulu skráðar.
 - a) heiti tegundanna (þ.m.t. yrki ef við á) sem notaðar voru í blöndur í tilrauninni,
 - b) magn hverrar fræblöndu í tilrauninni, sem sett var á markað á tímabilinu, sem leyfið nær til, og heiti aðildarríkisins sem fræblandan var ætluð,
 - c) samsetning blandnanna sem voru settar á markað í tilrauninni,
 - d) verklagsreglur (staðlar) sem fylgt var við vottun tegunda sem um getur í 1. gr. (kerfi Efnahags- og framfarastofnunarinnar eða landsstaðlar),
 - e) niðurstöður úr akurskoðunum og prófunum á rannsóknarstofum sem fram fóru í aðildarríkjunum vegna vottunar tegundanna sem um getur í 1. gr.,
 - f) upplýsingar um innflutning samkvæmt kerfum Efnahags- og framfarastofnunarinnar, einkum að því er varðar magn, samsetningu fræblandna, sem tilraunin tók til, upprunaland og merkingu,
 - g) niðurstöður úr prófunum á viðmiðunarsýnum sem fram fóru í samræmi við a-lið og b-lið 2. mgr.,
 - h) kostnaðar- og ábatagreining sem nota skal til að styðja markmiðið með tilrauninni eða færa rök gegn því.